

## ياللي بگى أعلى الترايب إلمن ألوذ وأعاتب

إرحم دليلي سهرانه ليالي

\*\*\*\*\*

روحي جنازة ودمع عيني توابيت  
سهرانه ليل أهدش بهمومي ضايت  
بس حل سواده بألم والله تمنيت  
أفزع إذا طفله فرّت أني فريت  
وبصوتي بحه شجن مخنوگه بالأم  
وريحة عباية انچوت برماد لخيام  
روحي تفارگ وأظل ما بين لجسام  
وارجع أواسي الحريم وأحضن ایتام

أتوضى ساعة صلاتي وايتامي تشبگ عباتي

ما حديجي لي سهرانه ليالي

\*\*\*\*\*

طفله أعلى جسمك هوت وتداوي لجراح  
وجني أحس النحر من حسرته صاح  
ألف وتسع ميه من نشاب وارماح  
كافي لمثلث طلع من ظهري ولاح  
تفرش مُصلاّتك وتترقب اتگوم  
شيليا يختي ترى ما اتحمل أهموم  
وكل طعنه فيها تمر لسعات لسموم  
طفلي أعلى صدري جديل ويرضع ادموم

يا خويه هالطفله ناحت وبحسره على جئه ماتت

الله وكيالي سهرانه ليالي

\*\*\*\*\*

عيني الذبحها الحزن تركض بلبور  
ما ظل بعد فيها من كثر الأسى نور  
شلت اليتيم الصبح بالخييل معفور  
رديته للخيمه لكن گلبي مكسور  
ما تبصر من الدمع تعثر بلجساد  
وسط البراري تدور نسوه واولاد  
وبعينه شفت الفزع ممرود لفاد  
وش حال أم ال تنطره وتطلبه أمراد

من دمه جفها تحنّت وموتتها يمه تمّنت

وأنه بعويلي سهرانه ليالي

\*\*\*\*\*

يا خيمه وانتہ العمد للعليله صيوان  
هالليله وحدي أضل حراسي عدوان  
حرمه وحيدہ ولا في الكوم إنسان  
هذا يطب خيمتي ويسلب النسوان  
وغيمه تضالنا عن جور وعذابات  
ما بيها عطف ورحم منها العطف مات  
كلهم أذبابه وعلينا وسفه شمات  
وهذا يخوف طفل بعينه لو فات

في خيمه وحده بگينا نتغى حسرى بيدينا

صوبي عليي سهرانه ليلي

\*\*\*\*\*

محروكه كل الخيم ملهوبه بالنار  
مستوحشه بها الفلاة وخاطري احثار  
بكل صفنه أنظر جسد مرمي بلوعار  
بس تنكسر صفتي من صيحة اصغار  
وگلي هجس بالفزع من طببت اغراب  
وعني خيالك أبد يا خويه ما غاب  
مسلوب لعمامه ما بگوا له اثياب  
ظميانه تعتب وانا ماذيني لعتاب

كل نظره تجرحني منهم نوبني يا خويه ونهم

زيّد غايي سهرانه ليلي

\*\*\*\*\*

تمنيت يدوم المساء ويسترني الليل  
ولا أنظر جثث إخوتي من حافر الخيل  
ساعة أوداعي إليهم ساعة الويل  
مرتاعه لو دمعي هل فوگ الجفن سيل  
ونور الصبح ما يطل وابگی بلا سراج  
مرضوضه والدم نرف من فيض لوداج  
ويا خوفي لو گابي في بحر الأسي ماج  
وسوط الشمر بالحقد فوگ الظهر هاج

يصعب عليّ هلوداع واخواني كلهم على الكاع

گرب رحيلي سهرانه ليلي

\*\*\*\*